

Ronwathihsenhtánions

Enwá:ton akwé:kon

aetewaié:nawa'se taetewá:tahste



Kahiatonhseríson Ahatíhsere ne Ronwatiio'okón:'a

ne Ken'nithotiión:sa tánon Tekeníhaton Tsi ionteweienstáhhkwa Ronteweiénstha

Kakwitè:ne 2013

Tsi nikaieránions ne
ronwathihsenhtánions sénha
í:non niewéhtha ne tsi
ionteweiienstákhwa aten'èn:rakon.
Nè:'e ne ionkién:'a* tóka ó:ni
ionke'nikòn:rare kén:'en, kí:ken
nahò:ten enhsaten'nikòn:rare,
tsi nénhsiere, tánon tsi nón:we
nienhénhse aiesahsnié:non.

*Nè:'e kí:ken kahiatonhseríson iothrorihákíe, "ronwatiíén:'a" né:'e iakó:ten
ne ronwatii'okón:'a tánon ronwatinónhnhha.

Oh nahò:ten ne iehonwatihrékhons?

Iehonwatihrékhons rotiià:tate tsi ronteriahnerónkwas thí:ken tho tsi
ní:ioht tetewathna'néten tsi nén:we. Nè:'e kén:tho ne aiakokaré:wahte
ahterónhtshera tóka ó:ni aronhiakén:tshera tóka ó:ni ahatíhsa ne
í:iah teion'wé:sen tsi nón:we ahonné:sheke tsi ionteweiienstákhwa
ne thihatiià:tate ón:kwe. Ronwanahsenhtánions niiá:wens tsi nón:we
tsi nón:we níká:ien ne kwah tokén:'en tóka ó:ni ia'teiotkahrò:ten
kahsatsténhsera í:iah teskatakwaríhsion.

Ne iekawennaié:ri tekawennathè:ton í:kare ne Ronathiatonhseraweiénston Aoianerénhsera tsi
<http://www.e-laws.gov.on.ca>



Tsi nikaieron'tò:ten ne Ronwanahsenhtánions

Ronwanahsenhtánions ken tóka shi ne kheién:'a í:iah tehotikarewáhton ratiia'ta'kéhshon?

Ronwanahsenhtánions enwá:ton iekáhawe é:so na'tekaieron'tò:tens, enwá:ton ne:

- **Ratiia'ta'kéhshon** – enhshekonhrékhon, ratiia'tà:ke – enhshekonhrékhon, ienhsehrékhon, tenhatihrihtánion tóka ó:ni enhatinenhskohá:ton kaientáhtshera
- **Owenna'shón:'a** – nia'tekonsheiénhas, thenhseié:ron, tóka ó:ni making sexist tóka ó:ni ronwatikèn:ron thiiionkwè:tate tóka ó:ni homophobic ahonnihrónnion
- **Tehontawén:rie** – enhseis'tohtáhrho ne akó:ren ne kanenhrà:ke tóka ó:ni tenhsaterihwarénia'te tóka ó:ni rumors enhseis'tahnò:ten
- **Kahíá:ton** – enhshehiá:ton'se tóka ó:ni kahiatonhseróhare thí:ken iononhwákte tóka ó:ni wa'ónkkenhrón:ni
- **Karonwaráhere** (ratiienté:ri nr karonwarà:ke iehonwanaterihwaniehtén:nis ronwanahsehtánions tenhsaterihwarénia'te) – enhsheia'tahnó:ten tánon iononhwákte owenna'shón:'a éhshatste ne e-kahiatonhseratahkwáhtha, teiehtharakhwá:ke (e.g., ienhsateri'wániehte) tánon tsi tehontawén:rie tká:ras iokwenhrá:ron.

Oh nahò:ten ne karonwaráhere tóka ó:ni karonwarà:ke-Ronwanahsenhtánions?

Nè:'e ne karonwaráhere tenkahthá:rake thí:ken:

- Wátston ahonwati'nikonhráksa'te, ronwatihterons tóka ó:ni ahonwatéha'te thihaià:tate ón:kwe
- Róntstha kahiatonhseratahkwáhtha teiehtharákhwa, iensateri'wániehte tánon tehontawén:rie tká:ras iokwenhrá:ron ronwatihterons tehonwati'nikonhráhrha ahonwatiia'tohtáhrho tóka ó:ni ahonwatihsennáksa'te tánon tsi ronatenró'shón:'a.
- Í:kare enkiesá'nikòn:renhte wa'ónkkén:ron tánon enwá:ton ó:ni kaià:tare tenhsaterihó'kwahte, tentsiatáteni kari'wahséhton orihwa'shón:'a, ratiia'tarónnion tóka ó:ni tkaráshtha tóka ó:ni ronwatihterónkwén:ni ónhkak ahonwatikaré:wahte
- Kiótkon roià:tate tánon iononhwákte.

Ne Kaniatari:io tsi ionteweiensákhkwa, ohén:ton í:rate tsi ionteweiensákhkwa entá:on'k ken'nienhati:iere karon'wará:ke iehonwanaterihwaniehtén:ni ronwanahsenhtánions tóka shi nè:'e ne tsi ionteweiensákhkwa tsi niion'wé:sen. Tasate'nién:tenhst, tóka shi ne rateweiénstha ronwátkonte tánon ronwatehá:ton ne aorihón:ni nè:'e ne e-kahiatonhseratahkwáhtha iewateri'waniéhton thí:ken iewaterenniéhton ne raorihwá:ke tóka ó:ni akaónha ne thihtiià:tate ronteweiénstha nè:'e ne tsi ionteweiensákhkwa, raónha tóka ó:ni akaónha í:iah, tha'taonsahonatonhontsioníhake aonsahonteweiensà:na.

Aronhákien oh nikaieron'tò:ten, Ronwanahsenhtánions í:iah tehatié:nas.

Ronwathihsenhtánions tho neniá:wen'ne nó:nen í:iah sha'tekiótte té:ken ne kahassténhsera tsi na'tehóntere onkwehshón:'a. Í:iah sha'tekiótte té:ken enwá:ton ne enkén:ton tsionkwè:ta rateweiénstha sénha thó:ion thiionkwè:tate tsi nihonekerahsherò:ten tóka ó:ni sénha rotero'seraká:ti tsi ní:ioht ne shaià:ta.

Teka'nikónhrhare ne ken shá:ka ne ronwathihsenhtánions?

Onkwehshón:'a sewakié:rens tenhonani'tónnion tsi teka'nikónhrhare skátne ronwanahsehtánions, né:k tsi tekiattíhen.

Tenka'nikónhrhá:ren tho neniá:wen'ne tsi na'tehónteren tehniíahsen tóka ó:ni sénha ronakiohkwá:nen onkwehshón:'a ónhka tehotirihwahrá'on, tehotirihwatíhen tóka ó:ni tekiattíhen tsi tehatiká:nere. Teká'nikónhrhare tsi na'tehónteron ronteweiénstha í:iah kiótkon ne tekeníkon tsi ronwathihsenhtánions. Ratiksa'ókón:'a ratiweientéhta's ken'nithotiión:sa ahonti'nikonhraién:ta'ne thí:ken thiionkwè:tate enwá:ton thiká:te tsi tehatiká:nere tsi ní:ioht ne ronónha tsi tehatiká:nere né:k tsi ratíhsa's ne ahatikwe'niónsheke tahontká:nere kari:wes enhonkiánawahste tánon ne tsi nenkaie:ren ienwatahsón:terake tsi niió:re iosnó:re ronatehià:ron (*Tekarihwanekhánion: Ne kahiatonhserá:ien ne Ken'nithotiión:sa lohseronnihákie iora'wistónte* 26).

Nó:nen teka'nikónhrhare, tsionkwe'tátshon ion'wesen'ón:we aontahontá:ti raónha tóka ó:ni akaónha ionnonhtónnions tánon í:iah teihsatstenhserá:ien í:iah tese wattakwaríhsions. Tsionkwe'tátshon rón:nehre enhatikwé:ni enhonthró:ri raónha tóka ó:ni akaónha tsi nahò:ten ianonhtónnion. Tsi ní:ioht ne onkwehshón:'a tenhontate'nikónhrhá:ren tsi teka'nikónhrhare enwá:ton enión:ni ne aka'nikonhriíohake tóka ó:ni í:iah thaka'nikonhriíohake.

Teka'nikónhrhare ienwá:ton í:iah teka'nikonhrí:io nó:nen ne tsi onkwè:ta eniakoià:tate'ne enhonihrónnion tóka ó:ni enhonwatikarawahtánion. Thó:ne ne teka'nikónhrhare ioweiennatshá:ni tsi tehontátkens. Teká'nikónhrhare khok ienwá:ton ronwathihsenhtánions nó:nen tetewathna'néten tóhkara ienká:ienhte, tánon kahassténhserá:ien í:iah tese wattakwaríhsions. Tsi iohseratohetstonhákie, kénhnare tsi nihatiweiennò:ten enwatá:kerahkwe tsi nón:we ne ón:kwe ónhka iakoià:tate nó:nen teka'nikónhrhare ienwatahsón:terake tóka ó:ni kwah sénha akahtkéhnte. Ne ón:kwe ónhka enié:na nè:'e ne iakoià:tate teka'nikónhrhare enhónttoke enkió'serón:nehte tánon ankió'serón:nehte tsi nenhatikwé:ni ahonthró:ri raónha tóka:ó:ni akaónha ionnonhtónnion tánon enhónttoke sénha tánon sénha í:iah thahotihsatstenhseraién:take. Thó:ne nikahá:wi í:iah teka'nikonhrí:io teka'nikónhrhare ienwá:ton ne ronwathihsenhtánions.

Ne tsi ionteweiénstákhwa tenkarihwa'será:ko ne ronwathihsenhtánions tánon teka'nikónhrhare tekiattíhen. Ne tasate'nién:tenhst, ne aorihwá:ke nè:'e ne teka'nikónhrhare, ne tsi ionteweiénstákhwa raononkwè:ta ieià:tare enionte'nién:ten enhonkia'tarò:roke ne ronteweiénstha enhonthró:ri ne raotiká:ra tánon enhonwatíié:nawa'se ia'takarihwaién:ta'ne tsi niiawén:'en skátne.

Ne aorihwá:ke ne ronwathihsenhtánions, ne ohén:ton í:rate ne tsi ionteweiénstákhwa ia'tenhanonhtónnionhwe ieaohetstákhwen ahsakohré:wahte, tsi ní:ka:ien í:kare ahonwaiatohtárho kaioa'tohtahrhóntshera tóka ó:ni átste taontahonwaiatón:ti.

Aktónkie tsionkwè:ta ne áhsen nihá:ti
Kaniatarí:io ronteweiénstha (29 %)
ronthró:ri tsi ronwanahsentánions
tsi ionteweiénstákhwa tsi ní:ioht tsi
ronthró:ris ne 2011 rotirihwisá:kon nè:'e
ne Kenkióhkwaien ne Sa'nikonra'shénnon
tánon O'nikòn:ra Ata'karitéhtshera (CAMH).

Tó: niiorihowá:nen tsi teka'nikónhrhare ne ronwathsentánions?

Ronwathsentánions í:iah nonwént:ton thatahatirihwáhsnie. Tóhsa ia'taonhtonniónhake khok "tsi nikari:wes ronatehiahronkie". Ratirihwíhsaks tánon tsi nahò:ten ratirihwaiénté:ri thikiokontákhwen iakona'tón:ni thí:ken ronwathsentánions iorihowá:nen, í:non nienhén:we terihwa'serákwahse tsi nihá:ti ne ronteweiénstha ratià:tare raotihwá:tsire tánon tsi na'tethonátte tánon ne kaná:ta tehonahkwatasé:ton.

Thí:ken ratiksa'ókón:'a tsi ní:ka:ien ronwanátkonte, enhonwathsentánion thihatiià:tate ratiksa'ókón:'a, tóka ó:ni tetsiá:ron, ióttéron ne é:so tsi nihononnhhò:tens tenhoti'nikonhrhá:ren tsi ní:ioht tsi rontenhriahnerónkwás tánon tsi rontero'serón:nies tenhoti'nikonhrhá:ren. Teniotionhontsioníhake atihshniehsónhtshera tahonwathíhsnie ne ronatehià:ron ahonwathiié:nawa'se ahatirihwahseronniánion ahonata'karióhake tsi rontero'seronniánions, í:iah khok tsi ionteweiénstákhwa né:k tsi tsi nihonnónhnhes.

Ronteweiénstha ónhka ronwanahsentánions iotká:te tenhontóhetste tsi tehonatawén:rie kanenhrà:ke ataten'nikonhráhtshera enhonentón:ni, enhontathá:wihte enhontinonhwákten tánon rontatkenhrón:ni. Enwá:ton ó:ni enhotiié:na ateronhienhténhtshera enhotiià:tata'ne tsi ní:ioht tsi ronaterià:neron tóka ó:ni enthati'nikòn:ren'ne ókia'ke ne ronteweiénstha enhonenhniserón:ti tsi ronteweiénstha, ensatkátho entewá:sen'ne tsi nihotihiatonhkwaién:ta's tóka ó:ni kwah enhontoríshen tsi ionteweiénstákhwa orihwakwé:kon nè:'e tsi ronwanahsentánion.

Ratiksa'ókón:'a tánon ken'nithotiión:sa ónhka ratiweién:te ahóntste kahsatsténhsera tánon rotiià:tate tahonwathriwaiérónnon ronákia'te ahati:ta'ne tsi rontsterístha nè:'e ne tekiattíhen tsi na'tekiáttere tkarihwaié:ri tánon í:iah tetkarihwaié:ri orihwakwé:kon. Tsi neniawénhserons ienhón:ton enhsakotiríóhsheke nó:nen nenhontehià:ron. Nè:'e aori:wa iorihowá:nen ahonwathiié:nawa'se tahonwathí:tahste ahnásénhtshera kwah niiosnó:re enwá:ton.

Rotisken'rákéhte tánon tsionathonwí:sen sha'té:ioht ken tsi ronwanahsentítánions?

Tetsiá:ron rotisken'rákéhte tánon tsionathonwí:sen enhonkià:taren ne ronwanahsentánions. Rotisken'rákéhte sénha ónhte enhonwathsentánion khienhonwathirékhon tsi ní:ioht ne tsionathonwí:sen orihwakwé:kon énkontste sénha í:iah teiottakwaríhsion tsi tehatiká:nere, tsi ní:ioht ne tenkonterihókwahte skátne konteweiénstha tóka ó:ni enkonwathiiá'tohtáhrho ne í:iah thakonthon:tate akonkia:taren tsi nahò:ten ioterihwahtenkià:ton tóka ó:ni iotinèn:raien. Tsi nithothí:ions, tsi ní:ioht tsi tetsiá:ron rotisken'rákéhte tánon tsionathonwí:sen sénha tho ní:ioht tsi ahonwanahsentánion nia'té:kon ahonwanénhahse tánon tsi tehonatawén:rie tsi nihatiweiennó:ten.

Oh ní:ioht tsi ienkientére'ne tóka shi ne akeksà:ta tóka ó:ni ken'nikiakoión:'a ronwanahsenhtánions?

Ken'nikiakoión:'a eksá:'a tóka nón:wa í:iah thaiakoterièn:tarake tsi nikawennò:ten ne ronwanahsenhtánions né:k tsi iakoterièn:tare nó:nen ónhkak iehseró:hen, iakokarawahtánions tóka ó:ni shakoti'nikonhraksà:tha tóka ó:ni shakonateronhientén:ni. Í:iah tóka thaiesahró:ri nè:'e tsi teniontate'nikonhrá:ren sénha eniehetkenhtánion tóka shi "enionthró:ri", "enhonwatiia'tahnò:ten", tóka ó:ni "enierihwínekenhte".

Enhonwatiia'tahnotónnion vs. Enhonthroriánion	
Enhonwatiia'tahnotónnion	Enhonthroriánion
Enhonwatiia'tahnotónnion né:'e ne enhonthroriánion ne ónhkak thí:ken onkwè:ta aontahonwá:rah'se.	Enhonthroriánion enhséhshake aiesaié:nawa'se nó:nen í:se tóka ó:ni ónhkak sheienté:ri shakotikarawáhtha tóka ó:ni nó:nen tsi nisaianerenhserò:ten tóka ó:ni thí:ken ón:kwe raoianeréhsera ne ahaten'nikòn:raren enhonwahkwenhákie.

(Kaniatarí:io Shakotihonnién:ni Raotikióhkwa (OTF) tánon ne Tsi ronkia'tarohrókstha Kaniatariò:ke ne ratihnhè:se (COPA), Ratíhsa'as Aten'nikonhrihtshera Tsi iontewienstákhwaniónhkhwa, Tsiiothò:rha 2012, ira'wístonte 56)

Sonkwè:ta ken'nikiakoión:'a í:iah tha'taiakotonhwentsiónhse ne aesahró:ri tsi teka'nikónhnhare tánon éniotste ne owén:na tsi ní:ioht ne "ionkwátkonte" tsi ní:ioht ne "ronwanahsenhtánions" tenhatirihwáthe'te ne nihatiieránions. Ken'nithottión:sa iotká:te ratirákwas ronónha ken'niahatiíe:re ronónha. Enhón:nehrek ensanà:khwahse thí:ken enshékhwa raoná:wen tekaronwarahonterónnion, tsi ní:ioht ne raoná:wen iehtharakkhwahá:wis, tóka ó:ni ahón:nehrek ahatitshén:ri ahontéhen ne ronwatiio'okón:'a ahatiia'tá:rake.

Aronhákien tóka shi í:iah thaiethá:rahkwe enwá:ton ensheiatèrò:roke tsi ní:ioht thí:ken saksá:ta shakotihsenhtánions kén:tho ostón:ha kahiá:ton oh nahò:ten enhsaten'nikòn:raren.

- Ratiksa'okón:'a ónhka ronwanahsenhtánions í:iah tehón:nehre ahonteweienstà:na tóka ó:ni tenhonhséntho tóka ó:ni enhotinonhwákten nó:nen entá:on'k enhonteweienstà:na awenhnísara.
- Í:iah tehón:nehre thahò:ten ahonkià:taren ahonkia'tarónnion skátne thihatiia:tate ronteweiénstha.
- Tekiattíhen tsi ronaterià:neron tsi niohtón:ne.
- Thotaiawénhstsi entewatáhsawen enhontihwihstón:ti tóka ó:ni nahò:ten ronónha raoná:wen, tóka ó:ni ienhshón:newe ioteratsiónkwen raonatsherónnia tóka ó:ni tha'teiohri:'on nahò:ten rotí:ien, tánon tenhatirihwathe'tánions ne kwah í:iah thé:nen khia'teiótte.

Atennitenráhtshera ne sakwénion ahshién:tere'ne tánon tenhontáteni tsi nihonnonhnhò:tens thí:ken thiiionkwè:tate ón:kwe tehonatohetstonhákie. Enwatehià:ron oh ná:ken ne ken'nithotiión:'a tánon í:iah iotká:te iatekaié:ri thaontehià:ron tsi niió:re iosnó:re tsi ronatehiahrónkie. Shi nó:nen ratiksa'okón:'a nikaieron'tò:ten ne atennitenráhtshera enwatá:karahkwe nó:nen ratiksa'okón:'a enthontáhsawen enhoti'nikonhráksen nó:nen enhonwatí:ken thiiionkwè:tate onkwehshón:'a roti'nikonhráksens.

Tsi nisahahò:ten: Ne kahiatonhseraké:ron ne ken'nithotiión:sa karihwahseronnihákie., iora'wístonte 25

- Ken'nithotiión:sa óhka ronwanahsenhtánions tánon/tóka ó:ni tehonwatí'nikónhrhare enthontáhsawen enhatihthá:rahkwe ahontoríshen tso ronteweiénstha tánon enthontáhsawen í:iah thokiahón:ne tsi nahò:ten ioterihwahtenkià:ton thí:ken ratiia'tarón:nion thihatiià:tate ronteweiénstha.

Akexà:ta shakotihsenhtánions. Oh nénkiere?

- Sheiatahónhsatat ne saksá:ta tánon ehntshe'nikonhrahniiráthon tsi roianerenhserá:ien ne ahataten'nikòn:raren.
- Taserihwakwaríhshiat. Shiá:ton tsi na'á:wen'ne tánon kátke eh na'á:wen'ne.
- Eh tshia'takéhnha ne saksá:ta ro'nikonhraién:ta'n tsi tekattíhen tsi na'tekiáttere "eniehrihwínekenhte", "enhsheia'tahnò:ten" tóka ó:ni "enhsathró:ri" tánon ienhseri:waien. Entá:on'k ensa'nikonhrahnirónhake ienhseri:waien. Ienhseri:waien tho nenkaié:ren í:iah ne té:ken aontaiakóterahse ne thiiè:tate ronteweiénstha, né:k tsi tenhsheiahò:ten akwé:kon ronteweiénstha.
- Tsiaterihwahserón:ni taesenihtá:ren ne saksá:ta/ken'nikiakoión:'a iakorihonnién:ni thiiè:tate iakorihonnién:ni thí:ken saksá:ta/ken'nikiakoión:'a iakoniahé:sen tóka ó:ni ne ohén:ton í:rate tóka ó:ni ohén:ton í:rate tehotiienawá:kon nè:'e ne tsi ionteweiénstákhwa.
- Aiénhrek tsi niwentó:re sate'nién:ten skennenkénhak só:k enwá:ton tenhsehshwanéta ne saksá:ta tánon tesenirihwaié:na tsi nensení:iere skátne ne raónha tóka ó:ni akaónha.
- Tahskón:tahkhwa tsi tesenirihwaienawá:kon. Eh tshiaten'nikòn:raren tsi ní:ioht tsi roteriá:neron ne saksá:ta. Tóka shi ne sewatkennísons skátne ne tsi ionteweiénstákhwa raononkwè:ta í:iah tehatíkwé'nies tahatí:tahste tsi ronwanahsénhte tsi ronwanahsenhtánions, tho nionsásewe tánon tesewahthá:ren ne ohén:ton í:rate ne tsi ionteweiénstákhwa. Nè:'e sasewáshswehr tsi naho'tèn:shon sewarihwanonhwé'on shisewatkennise'ón:ne.
- Tesewahthá:ren ne shakorihonnién:ni tóka ó:ni shakohretsiá:rons tóka shi ne ronwanahsenhtánions tsi nikari:wes tsi nenhonteweiensatá:ko waterihwahtenkiá'tánion tóka ó:ni tehontkénies ronaterihwahtenkià:ton.
- la'sheiatéri'waniéhten rontená:tánonhne tóka shi ne ronwanahsenhtánions kaià:tare shoterihwate'wáhton tsi ní:ioht ne khienshakotiié:na tóka ó:ni ronátston ne à:share, tóka ó:ni shi ne enkontsihkwenhte nè:'e ne saksá:ta aten'nikonhraréntshera kaná:ton nonkwá:ti tsi ní:ioht ne tsi ionteweiénstákhwa.

Oh ní:ioht tsi akheíé:nawa'se akeksá:ta tahotí'nikonhrhá:ren ken'niahatíé:ne ne ronwanahsenhtánions?

Skátne ensewaió'te ne tsi ionteweienstákhwa asheíé:nawa'se saksá:ta tóka ó:ni ken'nithoión:'a ken'niahatí:iere ne ronwanahsenhtánions teka'nikónhrhare, shehserí:ne enthonte'niéntenhste tánon entehshé:ion ne íeíá:ken thí:ken ronwanahsenhtánion í:iah tetkaié:ri.

Í:iah thé:nen teiokié:ren tó: nithotí:ion, enwá:ton enhseíé:nawa'se enhsehretsíá:ron ne saksá:ta aontaiesahthárhahse ne ronwanahsenhtánions tánon entehshé:ion ne ahatíhsere ne entehshe'nikòn:ron:

- Skennenkénhak tánon **a'é:ren í:seht** tsi nón:we nihón:nes.
- **Sheró:ri nr iakotehià:ron** ne ónhka sheniahé:sen – ne iakorihonnién:ni, ohén:ton í:rate tsi ionteweienstákhwa, tsi ionteweienstákhwa iakoa'takarénies ratóries, tóka ó:ni tsi teiontska'nhónkhwa ie'nikòn:rare – tsi na'á:wen'ne tóka ó:ni sathró:ri kari'wahséhton
- **Tesewahtharónnion** skátne sewatate'ken'okón:'a, tóka ó:ni skátne sewatenro'shón:'a, nè:'e tsi í:iah thahséhrek sonhá:'ak.
- **la'satenwennáta ratiksa'okón:'a kaia'takehnháhtshera teiehtharáhkhwa** ne 1-800-668-6868 tóka ó:ni senatà:ra **www.kidshelpphone.ca**

Aiénhrek ken thí:ken akeksá:ta iakohsenhtánions ronákia'ke?

Ratika'sokón:'a ónhka ronwanahsenhtánions sewakié:rens tho nihatiiéhrha tsi thotinónhsote tsi ní:ioht ne tsi ionteweienstákhwa. Tesatkahtónnion tánon satahónhsat sanonhskónhshon. lottó:kat ken thí:ken tсионkwè:ta ne sheio'okón:'a iakohsenhtánions ne ronate'ko'okón:'a?

Ratika'sokón:'a ónhka ronhsenhtánions sewakié:rens ratina'kwasnó:re tánon tehati'nikonhrháhrha tsi thotinónhsote tánon í:iah tehatirihwakweniéhnstha tsi nikaianerenhserò:ten ne kanónhskon. Tóka shi tesa'nikónhrhare thí:ken saksá:ta iakohsenhtánions ronákia'ke saten'nikòn:raren tsi ní:ioht tsi tehontawén:rie skátne ne rontate'ken'okón:'a skátne ní:se tánon skátne rontoro'shón:'a nó:nen enthón:ne tsi sanónhsote. Tóka shi á:ienhrek ahoweiennentshahniháke, í:iah tha'tehontero'serí:hen tóka ó:ni tóhsa ahená'tón:has atennitenróhtshera – kí:ken aón:ton ó:ni attokháhtshera thí:ken ronwanahsenhtánions ronákia'ke tsi ionteweienstákhwa.

Ratika'sokón:'a ónhka iehonwatihrékhons tsi ronwanahsenhtánions thihatià:tate ronteweiénstha ó:ni enhshón:newe tsi thotinónhsote ronatewirarónnion, tehonatennákhon, tánon ioterátsion raonatsherónnia. Thontaiawénhtsi sénha rotihwistaká:te ahontenhni:non tsi ní:ioht ne kiótkon tóka ó:ni asé'stsi raotientáhtshera, thí:ken í:iah thahatokwé:ni ahatihni:non. Ó:ni "enhontá:ti ronatewennátkon" enhonwatia'tahnò:ten ronákia'ke ronteweiénstha.



Ronwanahsenhtánions tsi ronatorià:neron enwá:ton enwatehià:ron kari:wes tóka ó:ni ne aorihwá:ke ne teiutenonhianíhton tekatenionhá:ton enhonakióhseron tóka ó:ni enhoti'nikonhráksen nè:'e ne kaksà:ta tóka ó:ni ken'nithotiíon:'a tsi ronnonnhékie. Ónhkak ken ne sheien'okón:'a nahé:'a eh ní:ioht tsi tehonatohétston?

Sanonhtonnión:ko oh ní:ioht teka'nikónhrhare tánon tenkarihwá:neren ken'nienkaié:ren ne sanónhskon. Tesewahtháhrha ken ne orihwa'shón:'a ne sawhá:tsire ka'nikonhrí:io? Iorihowá:nen tsi ní:ioht aontahshe'nikòn:renhte ronwanahsenhtánions seksa'tiíohak tánon shena'tón:has ne saksá:ta oh ní:ioht tsi taiehstáhsi wentorá:seron í:iah tháhsatste kahsatsténhsera tóka ó:ni kana'khwénhtshera.

Iorihowá:nen ó:ni ahshehró:ri ne sheien'okón:'a oh nahò:ten ken:ton ronwanahsenhtánions. Ahsathró:ri tsi tekiattíhen tsi nikaieron'tò:tens ne ronwanahsenhtánions tánon she'nikonhraientáhten tsi iononwákte tánon ensa'karé:wahte. Iakoterièn:tarak ne saksá:ta thí:ken ronwanahsenhtánions í:iah tetkaié:ri tánon í:iah tha'takarihwahsniehákíe ne eh ní:ioht tsi ahontorià:neron tsik nón:we niiori:waien.

Oh ní:ioht ne tsi ionteweienstákhwa ken'niehatiéhrha ronwanahsenhtánions tánon thiká:te tsi niawénhseron?

Ronteweiénstha ónhka ronwanahsenhtánions thihatií:tate, tóka shi tho níiá:wens tsi na'tehónteron tóka ó:ni tsi kanonwaráhere, tenhontká:neren tekiattíhen enhatihwistatákhko.

Nó:nen ken'nienkaié:ren ronwanahsenhtánions, ohén:ton rón:nehte tsi ionteweienstákhwa ne í:we enhonwatihré:wahte enhatika'é:ion. Kaniatarí:io í:we enhonwatihré:wahte aoianerénhsera ronwatorihwá:wis ne ohén:ton rón:nete tsi ionteweienstákhwa ahatirá:ko kwah ken'na'teiotikióhkwake eniesarihwahéhrhahse ken'niahatí:iere ne tsi ní:ioht tsi rontoriá:nerons tánon ronwatieenawá:se ne ronteweiénstha enhaweientéhta'ne ia'tehorihwaientá:se. Ókia'ke tewate'nienténhston í:kare:

- Aonsahontathré:wahte iononhwákte tsi nahò:ten wahonnihrónnion tóka ó:ni í:iah tehshakotirihwakweniéhstha tsi nahò:ten enhonnihrónnion
- Ensewatkén:se oh nahò:ten rón:nehre ne ratiksa'okón:'a raotirihwá:ke ne ronteweiénstha raotirihwá:ke
- Ahontkennisá skátne ne ronwatiei'okón:'a/ronwati'nikòn:rare
- Kana'khwáhtshera rati'nikòn:rare enhonwatihtáhrhahse
- Ronteweiénstha enhonwatia'tihtáhrho ne tsi ionteweienstákhwa.

Ne sénha iorihowá:nen orihwa'shón:'a ne ohén:ton í:rate enthate'nikonhráhtka'we thí:ken ne ronteweiénstha ronwaia'tínekent ne tsi ionteweienstákhwa tóka shi ne rateweiénstha ohén:ton ronwaia'tohtáhrho ne ronwanahsenhtánions tánon ienhatahsónteron ieharihwá:ren í:iah thahatirihwaié:na iótteron ne ahonwanaten'nikòn:raren ne ó:ia thiiionkwè:tate. Kí:ken kaianerenhseríson tetsiá:ron ratíhsere ken'nithotiíon:sa tánon tekeníhaton:ke ronteweiénstha.

Í:we kahrewahtháhtshera ioienawá:se ahatíhnhe'se í:iah tetkaié:ri tsi ronterià:nerons tóhsa sénha aonhétken'ne tánon enioién:ta'ne ka'nikonhráksen enió:ienhte ne akwé:kon ronteweiénstha tánon ronónha tsi tehatiká:nere ne aten'nikonhráhtshera tánon ne tsi ionteweiénstákhwa. Ó:ni iekarihwá:reks ka'nikonhrí:io rateweiénstha ronatorià:neron tánon ioienawá:se ne rateweiénstha thaniarotáhrhok ne raónha tóka ó:ni akaónha iontoriahnerónkwas tánon enhatiweientéhta'ne sénha ka'nikonhrí:io nikaweienno:ten ne tehonatawén:rie skátne ronákia'ke.

Tsi ionteweiensahkhwaniónhkhwa entewáhtka'we tenhonwatihshwanéta akwé:kon ronteweiénstha ónhka ratiia'tarónnion ne ronwanahsenhtánions ronteweiénstha: ronteweiénstha ónhka ronwanahsenhtánion, ronteweiénstha ónhka wahonkia'tarónnion ne ronwanahsenhtánion tsi ní:ioht tsi ronatorià:neron tánon thí:ken ónhka wahontkáhtho tsi ní:ioht tsi ronatorià:neron.

Akwé:kon ne tsi ionteweiensahkhwaniónhkhwa tánon ohén:ton rón:nete tsi ionteweiensahkhwaniónhkhwa tei-tonhontsióhon ahotiién:take:

- Akai-nerenhsereién:take ahatíhnhe'ne tánon ken'niahatí:iere ne ronwanahsenhtánions
- Ronwanahsenhtánions ronwatíhnhes tánon kaio'tá:ton tsi nenkaié:re
- Kai-nerenhsereién:ne í:we ronwatihrewáhton tánon sha'tékene tánon enhshonwatia'tarónnion ronathiatonhsertaweienston.

Akwé:kon ohén:ton í:rate tsi ionteweiensahkhwaniónhkhwa raotihnhà:tashera tei-tonhontsióhon ahonthró:ri iorihowá:nen rateweiénstha tsi niiawénhserons tsi ní:ioht ne ronwanahsentánion nè'e ne ohén:ton í:rate tsi ionteweiensákhwa. Ohén:ton rón:nete tsi ionteweiensákhwa tei-tonhontsióhon ahatirihwíhsake akwé:kon iekarihwinión:ton tsi niiawénhserons ne ronwanahsenhtánion.

Ohén:ton rón:nete tsi ionteweiensahkhwaniónhkhwa raotihnhà:tshera ónhka iakió'te kwah ákta skátne ronteweiénstha, tsi ní:ioht ne iakotirihonnién:ni onkwe'tá:ke tehonatawén:rie iotiió'tenion tánon shakotí'nikonhrá:wis, entá:on'k tenhatirihwá'será:ko ne akwé:kon í:iah tetkaié:ri tóka ó:ni í:iah tehshakotirihwakweniéhstha tsi ní:ioht tsi ronatorià:neron thí:ken í:iah teka'nikonhrí:io ioiéhnton ne tsi ionteweiensákhwa tsi nikion'wé:sen, í:kare ronwanahsenhtánions.

Ohén:ton rón:nete tsi ionteweiensahkhwaniónhkhwa tei-tonhontsióhon enthónhtka'we oh nahò:ten kaio'tá:ton tóka ó:ni thiká:te kahshwanónhsthera ne ronteweiénstha ónhka ronwanahsenhtánions, ónhka ronatkéhton ronwanahsenhtánions tánon ónhka tehotíhkwen ne ronwanahsenhtánions.

Ne sénha ahserihwatshén:ri ne tsi ní:ioht kahnhà:tshera ken'niehatiiéhrha tsi niiawénhserons tsi ionteweiensákhwa, ska'é:nion ne "karihwinión:ton tánon Teierihwá'serákwas" iokwen:rare nè'e ne kakorahtshera:kon tewa'ara:ronte kawennarahnthá:ke ne www.edu.gov.on.ca/eng/safeschools/reportingResponding.html Tóka ó:ni tesewahthá:ren ne sewá:wen tsi ionteweiensákhwa ohén:ton í:rate tóka shi íhshere ahseweientéhta'ne sénha ne kahnhá'tsherá:ien ne tsi ionteweiensákhwa.

Ohén:ton rón:nete ne tsi ionteweiensáhkhwa entá:on'k ienhonwanateri'waniéhten ne ronwatiio'okón:'a/ronwati'nikòn:rare ne ronteweiénstha tsi ní:ien ronwanahsenhtánion, tsi ní:ioht ne ronteweiénstha tsi ní:ien tehotíhkwen ne ronwanahsenhtánions tánon shehró:ri:

- Oh ná:á:wen'ne
- Oh ní:ioht tsi wahatikaré:wahte ne ronteweiénstha
- Oh nahatiieránion aontahatíhnhe ne ronteweiénstha atennikonhrátshera, í:kare thikawenní:io tsi ní:ioht ronwathrewahtánions tsi nahatiieránion tahatirihwa'será:ko tsi ná:á:wen
- Oh ní:ioht tsi tahonwathshané'ta ne ronteweiénstha takarihwa'serákwen tsi niawénhseron.

leskarihwaiéhston:

- Ohén:ton rón:nete tsi ionteweiensáhkhwa entá:on'k enhonwathón:karon ronwatiio'okón:'a ahókien tahatihtharónnion nè:'e ne kahshwanónhtshera thonwaná:wi ne raotiksà:ta.

Tóka shi ne akeksà:ta ronwanahsenhtánions, oh nahò:ten enwá:ton enkerihontá:ko nè:'e ne tsi ionteweiensáhkhwa?

Ne tsi ionteweiensáhkhwa entá:on'k enkaién:take oh nenkaié:ren thí:ken eniesaríhon, ronteweiénstha tánon thihatià:tate onkweshón:'a ne í:iah thahonthró:ri ónhka iakorihwinión:ton tsi niiawénhserons ne ronwanahsenhtánions.

Tóka shi tesatate'nikónhrhare ne saksá:ta tóka ó:ni ne'k ne tesatonhontsió:ni sénha ahseríhwatshen:ri seri'wanón:ton ahsatkáthto sá:wen tsi ionteweiensáhkhwaniónhkhwa ohén:ton rón:nete ronwanahsenhtánions ratíhnhes tánon kaió'tá:ton aoianeréhsera:

- Ronteweiénstha tsi ní:ien tehotíhkwen ne ronwanahsenhtánions tánon shehró:ri:
- Tsi ionteweiensáhkhwa kaianerenhseríson tsi ní:ioht tsi enhontakia'tahténkia'te tsi ní:ien tekatokénhston oh ní:ioht ronteweiénstha, iakotirihonnién:ni tánon thihatià:tate aononkwè:ta nè:'e ne tsi ionteweiensáhkhwa aotikióhkwa ahontoriahnerón:ko tsi ná'tehónteren.
- Tsi ionteweiensáhkhwa tánon ohén:ton rón:nete tsi ionteweiensáhkhwaniónhkhwa ronwanahsenhtánions ratíhnhes tánon kaió'tá:ton tsi nenkaié:ren. Kí:ken kahiatonhseríson kenhníson oh nahò:ten tsi ionteweiensáhkhwa raononkwè:ta enwá:ton ia'takarihwaién:tá'ne tsi teka'nikónhrhare.

- Tsi ionteweienshákhwa skarihwinión:ton nè:é ne Tsi ionteweienshákhwa Ion'wé:sen tsi nikiotkarihwarò:ron. Kí:ken í:iah tehonatatshennarónnion karihwarò:ron iakoienawá:se tsi ionteweienshákhwaniónhkhwa enthatika'én:ion tsi nihononhnhò:tens ne aten'nikonhráhtshera tánon ía'tenhotirihwaién:ta'se oh ní:ioht tsi tahatí:tahste ronwanahsenhtánions tánon ahatirihó:wanahte enhsaten'nikò:n:raren tánon ahatirihwaié:na ionteweienshákhwaniónhkhwa. Enkarihwarò:ron entá:on'k enkáhshon árane khia'teiohserá:ke.

Tóka shi iakotirihonnién:ni enhónttoke thí:ken saksá:ta ronwahsenhtánions, enwá:ton ensahrhá:reke ne tsi ionteweienshákhwa ieniesatenwennátahse. Enserihwats'hén:ri thí:ken saksá:ta iakorihonnién:ni tóka ó:ni thiièià:tate iakorihonnién:ni saksá:ta iakoniahé:sas eniekwé:ni aieién:tere'ne ókia'ke tsi nenkaié:ren thí:ken ensaié:nawa'se enhskarihwahseronni'hake ne teka'nikónhrhare.

Tsi ionteweienshákhwaniónhkhwa rotirrhá:re ahonte'nién:ten tsi ní:ioht tsi rotikwénion ahatirihwíhsake nahò:ten tesa'nikónhrhare tsi nikari:wes rontweiénstha raoti'rihwa'shón:'a.

Tsi ionteweienshákhwaniónhkhwa enhotihshnié:non akwé:kon rontweiénstha ratiia'tarónnion ne ronwanahsenhtánions, ratiia:tare tsi nihá:ti tehotíhkwen ne ronwanahsenhtánions, tsi nihá:ti tsi ní:ká:ien ronwanahsenhtánion tánon tsi nihá:ti ronatkáhton ronwanahsenhtánions.

Tsi ionteweienshákhwa enkaién:take tsi nenkaié:ren enwá:ton éhntshere tóka shi tesa'nikónhrhare ne ahshwanéhtshera thonwá:wi ne saksá:ta. Tóka shi í:iah teweren'tí:ios tsi ní:ioht tsi tenhatirihwa'será:ko ne tsi ionteweienshákhwa, enwá:ton ientshiatenwennátahse ne ra'nikò:n:rare karihton ne sá:wen ohén:ton rón:nete tsi ionteweienshákhwaniónhkhwa.

leskaiéhston, enhsanonhtonnión:ko ahsakià:taren ne Aten'nikonhráhtshera tánon Ahatirihwaié:na Tsi ionteweienshákhwa Kanèn:ra tsi nón:we nihsateweiénstha. Ne kanèn:ra ronwatiniahehsá'on ne ahonthretsiá:ron ne aten'nikonhráhtshera ratiia:tare tánon ahaterihwaié:na tsi ionteweienshákhwa aion'wesénhake. Ronwaia'táhrha ne ohén:ton í:rate tsi ionteweienshákhwa, árane tsionkwè:ta ronwatiio'okón:'a tsi ionteweienshákhwa raononkwè:ta rateweiénstha tánon ne kaná:ta thonateróhon.

Hátskwi, árane akeksà:ta í:iah tehaià:tare ne ronwanahsenhtánions...

Akwé:kon enhatironhiá:ken nó:nen ronwanahsenhtánions eh neniá:wen'ne tánon onkwe'takwé:kon enwá:ton enhontahshnié:non takatáhston. Ne 85% ne orihwa'shón:'a, ronwanahsenhtánions tho neniá:wen'ne raotihén:ton tsi ní:ká:ien tehatiká:nere. Kí:ken terhatiká:nere tenhotí'nikonhrhá:ren tsi nahhò:ten rontkáhthos. Aronhákien tóka shi ne tsi ní:ká:ien tehatiká:nere tóka nón:wa ratitshá:nis tánon í:iah tha'tahonatonhwentsiónhse ken'niahatí:iere nè:é tsi ratitshá:nis ronónha enhsonatkarenhrákwen tóka ó:ni sénha ahatihétkenhte tsi ní:ká:ien ronwanahsenhtánions, enwá:ton iehatirihwínionte ahonwahsentánion anhatirihwáhsehte ónhka.

Enwá:ton enhseié:nawa'se saksá:ta ahotinikonhraién:ta'ne ne ronwanahsenhtánions í:iah tehatirihwaié:nas tánon enwá:ton enhshakoié:nawa'se tahatí:tahste iahatirí:waien iahshakotirihwahehrháhse ne iakotehià:ron tóka ó:ni ónhkak iahshakotirihwahehrháhse í:iah thahonthró:ri ónhka.

Tensherihwáhshnie ata'karitéhtshera kioteróhon enwá:ton eniohshnié:non taká:tahste ne ronwanahsenhtánions

Ronwanahsenhtánions ratihnes tánon kaió'tá:ton ne karihwatákie sénha í:iah ne té:ken khok ne akarihwarákwen ronwanahsenhtánions.

Ó:ni karihowennáhtha ne aontehià:ron ne ahonnata'kariíohake tsi kioteróhon. Ioianere'ón:we tsi kioteróhon kaià:tare karihwakweniéntshera tsi tehonatawén:rie tsi ná'tehónteron onkwehshón:'a, tóka shi tsi tehontátkens tóka ó:ni tsi karonwaráhere. Tsi ronnontónnion ahonwatiíé:nawa'se enhatirihwahní:rate thí:ken akwé:kon ronteweiénstha ahonata'kariíohake, ahonten'nikòn:raren ahatiriohwakweniéntsthake tánon tahontatenorónhkwake tsi kioteróhon skátne onkwe'takwé:kon tsi ronnonhnhékie.

Iakotirihonnién:ni, ronwatiio'okón:'a, tánon thihatià:tare ronatehià:ron tehatihshwanéta'as tánon tho ní:ioht tsi ronaterià:neron tsi ní:ioht ne enthonwatinienténhsten ne ratiksa'okón:'a ronwatina'tón:ni oh ní:ioht ioianere'ón:we tsi kioteróhon enwá:ton enioi'ó'ten. Ratiksa'okón:'a ka'nikonhrí:io tsi kioteróhon skátne thihatià:tate ratiksa'okón:'a enioniáhese tsiorí:wa ka'nikonhrí:io tsi kioteróhon skátne ne ronatehià:ron.

Ronteweiénstha ónhka enhatikwé:ni ahotiién:take ioianere'ón:we tsi kioteróhon ká:ron enhonwatihsenhtánion ne ronákia'ke sénha ónhste tenhatihshwanéta'a ronteweiénstha tsi níká:ien ronwanahsenhtánions, tánon sénha enhatikwé:ni ienhoón:newe raoná:wen ronateweiénston anonhtonniéntshera, iekarihwá:re ioianere'ón:we tsi kioteróhon kaiá'takwe'ní:io tsi ahatihne'ne ronwanahsenhtánions tánon akáhshon ne aten'nikonhráhtshera tánon rotirihwaiená'on tsi ionteweiénstákhwa ion'wesen'ón:we.

Oh ní:ioht tsi iakhiienawá:se ahatikwatá:ko Kaniatarí:io tsi ionteweiénstákhwaniónhkhwa ahonten'nikòn:raren tánon ahatirihwaié:na.

Ne aka'nikonhriíohákie tsi ionteweiénstákhwa aion'wesen'hake tánon ne aten'nikonhroriáhtshera ahatiweientéhta'ne tánon ronwatirihonnién:ni teiotionhontsióhon tóka shi ronteweiénstha tahontóhetste ne tsi iontewienstákhwa.



Seweientéhta'n sénha karihwatáke:

- **Aten'niténhtshera Tsi ionteweienstahkhwaniónhkhwa Tsi nenkaieránionke.** Kí:ken io'nikonhraién:tat tsi nenkaieránionke í:kare ne aten'niténhtshera tánon rotirihwaié:nen tsi ionteweienstahkhwaniónhkhwa aotinèn:ra akwé:kon tsi ionteweienstákhkwa, tsi iontewienstákhkwa aohiatonhsera'shón:'a, ahonwatirihónnien ne iakotirihonnién:ni tánon ohén:ton rón:nete tsi iontweienstákhkwa tánon thonateróhon skátne Ratiksa'okón:'a aiesaié:nawa'se Teiehtharákhkwa www.ontario.ca/acceptingschools
- **Tsi iontweienstákhkwa aion'wesénhake karihwarò:ron ne ronwatii'okón:'a.** Kí:ken karihwarò:ron ká:ien ne tewáhsen tékeni nikawén:nake. www.edu.gov.on.ca/eng/safeschools/climate.html
- **Kaniatarí:io tsi tehatiká:nere ne ne ronwathrewáhtha.** "I:we kahrawáhton" enhatià:taren ne kwah nikanónhsa tsi ionteweienstákhkwa tsi iontweienstákhkwa tánon iekarihwá:reks ne ka'nikonhrí:io tsi ionteweienstákhkwa aion'wesénhake. Enhonríhon ne ohén:ton í:rate ne tsi ionteweienstákhkwa ahatirá:ko ne tkaié:ri tenkarihwa'serákwen ken'niahati:iere í:iah tetkaié:ri rateweiénstha tsi nihákiehrrha. Ó:ni eniakoháhrhahse ronteweiénstha é:so niiori:wake takahshwanéten iahatirihwá:reke ka'nikonhrí:io tsi nihonkiérrha. Kí:ken kaianerénhsera tekarihwathè:ton kwah ieká:ien ne www.edu.gov.on.ca/extra/eng/ppm/145.pdf
- **Kahiatónhkware tsi nihonkieránions.** Kí:ken kahiatonhseríson ne Kaniatarí:io kahiatónhkware ne tsi nihonkieránions karihwahserón:nis ne raotii'ténhsera tánon kaniahehsá:'on ne onkwe'takwé:kon nè:e ne tsi ionteweienstákhkwa tsi nón:we ná'tehonatawén:rie ratiia'tarónnion ronteweiénstha ronwatii'okón:'a, tsi iontewienstákhkwa, aononkwè:ta tánon áta thonateróhon. www.edu.gov.on.ca/eng/safeschools/code.html
- **Kaniatarí:io Aoianerénhsera ne Ronwanahsenhtánions Kahnhé:'on tánon Kaio'tá:ton.** Kí:ken kaianerénhsera karihwahserón:nis tsi nahò:ten tehonatonhontsió:ni ne ohén:ton rón:nete ne tsi ionteweienstahkhwaniónhkhwa ne rotirihwahseronnihákie tánon enhonterihwahténkia'te raoná:wen ronwanahsenhtánions kahnhé:'on tánon kaio'tá:ton kaianerénhsera. www.edu.gov.on.ca/extra/eng/ppm/144.pdf
- **Sha'tékene tánon shonwatii'a'tárrha ronathistonhseraweiénston Tsi nenkaieránion.** Kí:ken karihwahseronniánions oh ní:ioht ne kakorahtsherá:kon, ohén:ton rón:nete tsi ionteweienstahkhwahniónhkhwa tánon tsi iontweienstahkhwaniónhkhwa tehatishwanéta's sha'tékene tánon shonwatii'a'tárrha ronathiatonhseraweiénston ne Kaniatarí:io tsi iontweienstahkhwaniónhkhwa. www.edu.gov.on.ca/eng/policyfunding/equity.html
- **Rakó:ra wahonwathíáhrhahse Rotirihwaié:nen Tsi ionteweienstahkhwaniónhkhwa.** Ne wahonwathíáhrhahse ronwatiién:teres tsi ní:iore ne oié:ri aten`nikonhráhtshera tánon rotieihwaié:nen tsi ionteweienstahkhwaniónhkhwa ionwé:sen tsi nón:we nihón:nes. www.edu.gov.on.ca/eng/safeschools/award.html

- **Ratiksa'ókón:'a shakotienawá:se teiehtharákhwa.** Kí:ken kari'wahséhton shonwati'nikonhrahserón:nis kaia'takehnháhtshera ká:ien www.kidshelpphone.ca Tóka ó:ni ia'satenwennáta **1-800-668-6868**.

leskaiéhston Orihwa'shón:'a:

- **Ronwanahsenhtánions Kahiatonhsera'shón:'a karihwaké:ron ne ronwatiio'ókón:'a, karihwahserón:ni ne PREVNet (Iehotirihwá:re Kioteróhon tánon A'é:ren enhatihá:wihte tewatatken'ren'serón:nes tsi karonwaráhere) www.prevnet.ca/BullyingResources/ResourcesForParents/tabid/390/Default.aspx**
- **Ronwatiio'ókón:'a iontsta'shón:'a ao'nerókhwa ken'nithotiión:'a skahiatonhseríson: Tsi nahatí:iere ronwatiio'ókón:'a enwá:ton enhotií'oten ahonwatiie:nawa'se raononkwè:ta ken'nithotiión:sa tahontóhetste.** Kí:ken ka'neronkwíson karihwarò:ron thonaterihwahtká:wen tánon kahiatonhserá:ien ne onwatiio'ókón:'a ahonwatiie:nawa'se tahonwathshwanéta tánon ahonwathhretsiá:ron raononkwè:ta tsi iontewienstákhwa www.ontariodirectors.ca/Parent_Engagement/Parent_Engagement.html
- **Aten'nikonhtáhtshera @ Tsi iontewienstákhwa.** Kí:ken tewa'á:raton kawennarahsthá:ke tewatká:was kahiatonhsera'shón:'a ne ronwanahsenhtánions kahné:on tánon sha'tékene tánon shonwatiia'táhrha ronathiatonhseraweiénston í:kare enhonwatirihónnien kahiatonhsera'shón:'a ne iakotirihonnién:ni tánon tsi iontewienstákhwa raononkwè:ta ratiia'tarónnien. www.safeatschool.ca
- **Tsi nisahahò:ten. Ne kahiatonhseraké:ron ne ken'nithotiión:sa karihwahseronnihákie.** Karihwahserón:ni nè:'e ne Kakorahtsherakónhshon ne Ratiksa'ókón:'a tánon Ken'nithotiión:sa Kaia'takehnháhtshera, kí:ken tewahtká:was ne karihwarò:ron nè:'e ne enkarihwahseronnihákie:sheke tsi ní:iore ne ken'nithotiión:'a tsi nithotí:ion 12 tsi ní:iore 25, tánon ne tsi nenkaié:ren tsi ní:ká:ien enwá:ton eniakwaién:tere'ne tánon teniakwari'teniakhirihwa'serákwahse tsi nahò:ten tehonatonhontsió:ni ká:ien ne www.ontario.ca/steppingstones

Seweientéhta'n sénha ne aten'nikonhrátshera tánon rotirihwaienawá:kon tsi iontewienstákhwa ne www.ontario.ca/acceptingschools

Ia'sateri'wánieht eniesahiatónhseron ne thí:ken kahiatónhsera Kiohrén:sa tánon O'serón:ni ienhsateri'wánieht kaia'takehnháhtshera Kaniatari:io ne www.ontario.ca/publications

Enhsetshén:ri kí:ken kahiatonhseríson tánon sénha ionkién:'a orihwa'shón:'a na'tekawén:nake ne www.ontario.ca/EDUparents